

# Makatabang nga mga Sugyot alang sa mga Lider sa Pagkapari

## UNSAON SA PAGDUGANG OG KALAMBOAN SA BUHAT SA PANGSERBISYO NGA MGA MISYON

Ang Unang Kapangulohan mipahayag sa mosunod diha sa ilang sulat ngadto sa mga lider ug mga miyembro nga gipetsahan og Nobyembre 2018:

*Ang pangserbisyo nga misyon usa ka madawat nga halad ngadto sa Ginoo kon ang pagtudlo nga misyon dili posible. Busa, ang pag-refer sa usa ka pagtudlo nga misyon isip usa ka "tinuod nga misyon," "normal nga misyon," o "tradisyonal nga misyon" dili tukma ug kinahanglan nga likayan. Ang tanang misyonaryo nagrepresentar sa Ginoo ug mopatuman sa Iyang buhat.*

Pipila ka makatabang nga mga sugyot ang gitino aron matabangan ang programa sa pangserbisyo nga misyonaryo nga padayong mosagop sa panglantaw sa Unang Kapangulohan. Ang nag-unang obserbasyon mao nga ang buhat mouswag ug ang kultura mausab sa labing maayong paagi kon ang mga lider sa pagkapari (lakip sa mga Area Seventy, mga presidente sa stake ug district, ug mga bishop ug mga presidente sa branch) motutok sa mosunod nga mga lagda:

- a. Paghatag og direkta ug balik-balik nga berbal ug sinulat nga suporta kabahin sa programa sa pangserbisyo nga misyonaryo.
- b. Paghatag og direkta ug balik-balik nga berbal ug sinulat nga suporta sa magtiayon nga lider sa pangserbisyo nga misyon.
- c. Pag-awhag sa mga presidente sa stake ug district, mga bishop ug mga presidente sa branch, ug sa mga konseho sa ward ug sa stake nga magmiting kanunay ug makigtinabangay sa mga lider sa pangserbisyo nga misyon.
- d. Pagdapit sa mga lider sa pangserbisyo nga misyon nga makigmiting sa ilang stake o district, ward o branch, ug mga miting sa konseho sa pagtinabangay.
- e. Pagdapit sa mga lider sa pangserbisyo nga misyon sa pagpamulong panahon sa mga komperensiya sa stake, mga miting sa sakrament, ikalimang Dominggo nga mga miting, ug uban pa.
- f. Pagdapit sa mga lider sa pangserbisyo nga misyon nga makigmiting sa mga kapangulohan sa Relief Society.
- g. Pagpasiugda og kultura diin ang pangserbisyo nga mga misyonaryo ug ang tigtudlo sa ebanghelyo nga mga misyonaryo itratar nga patas.
- h. Ang mga presidente sa stake makigkonsulta sa lokal nga mga lider sa pangserbisyo nga misyon sa dili pa moabot sa balay ang gipapauli og sayo nga misyonaryo.
- i. Ang mga presidente sa stake padayon nga adunay eklesiyastikal nga responsibilidad alang sa mga pangserbisyo nga mga misyonaryo nga nagserbisyo gikan sa ilang stake. Ang pagpasiugda og suod, epektibo, mabination nga relasyon tali sa presidente sa stake ug sa pangserbisyo nga misyonaryo makatabang sa misyonaryo nga mobati nga parehong gikahimuot sa Ginoo. Ang Unang Kapangulohan mihangyo nga ang mga misyonaryo makigkita sa ilang eklesiyastikal nga lider sa labing minos kausa sa matag tulo ka bulan. Niadtong 2019, 56 porsyento lang sa pangserbisyo nga mga misyonaryo ang aduna niini nga kahigayonan.

